

恩

餘

堂

輯

稿

恩餘堂輯稿卷第四

孫男邦疇編校

今體詩

送姚雪門孝廉歸秦和疊羅旭莊前輩韻
小住爲佳耳言歸意若何筵開良夜永酒入別情
多雜坐深簾下題詩醉墨磨清商成送遠按拍有
雙蛾

詰曲文江水前遊記溯洄共言名下士的負出羣
才偶聚鴻泥跡同傾爛漫杯如何一握笑歸棹遽
相催

君向我來路臨歧喚奈何孤帆天共遠秋色水偏

恩簡堂鞋稿卷四

多

戴篋圖爲寫秋帆歸觀圖

良玉憑雕琢寒光藉淬磨山中饒

事業莫負舊燈蛾

縣門臨快閣木落水滌洞得句江山助登高慷慨

才秋風吹到岸舊雨對深杯尺素憑君達行滕代

急催

謂劉生扶雅

總宜室

風月總相宜虛舟任所之濤聲窗外樹雨勢卷端
詩坐密聊中酒簾深好看棋平生仗忠信一室卽
天涯

甲午元旦試筆

江上春風縣三番換歲符氣和家萃處候早物昭

蘇酌酒奉母壽讀書破兒愚莫生老眼刺子年四

俗有眼生燈下補勤劬刺之語

張灣登舟哀述

昨歲籃輿奉今朝丹旄臨存亡一寸草去住兩頭

心兒女多安穩祈帆布空虛問橐金藥藥老兄弟

對哭潞河潯

滄州

河轉城三面居然是水鄉沙塵禹故道蒲葦宋巖

疆沽酒客過市椎牛俗異方莫嫌肱篋甚斥鹵地

多荒

魯仲連射書臺

燕將方猶豫先生一笑談
讒行無李牧事急乃章
邯利口敵人喜推心士
氣酣由來善將將疑信
莫相參

楊勤恪公遺像

山立春風坐摠衣
溯卅年清高真宛在
俯仰故寬然而面不
隨人改神因得氣全
桐陰上華月心事耿
孤懸

公輔平生器銓曹
筮仕初更生編列女
遷史志河

渠正直非談道經綸始著書謁公從柏府儒雅尙
魚魚

眷舊兼思德名臣締

睿懷節持頻惠楚漕轉久留淮丁以屯田飽家無
納賦差河干遺愛在畫像驛前排

憶我登龍日深邀國士知少年嘉有氣末學許工
詞不入門人錄猶存紀事詩究無成就在流媿入
霜髭

七夕有感

七夕非佳夕神夫黯渡河人天情不斷兒女淚偏

多得巧終虛耳浮生奈若何那堪階下雨急爲打
新荷

桂意

葉大影扶疎黃蕤置几隅暗蟾猶濯魄來鴈正輸
蘆忽有香微度遙尋朶尙無根塵信多事鼻觀幻
須臾

書香山草堂記送李松圃

秉禮

歸覲時余

方典浙江鄉試

我住不成住君歸未是歸雙星使者節五色老萊
衣鴻印泥同幻鴉塗墨亂飛開時憶寫送別袂幾

番揮

琵琶方罷曲茶果已開堂謫宦偶來此山靈尙不
忘臥遊猶有記信美又吾鄉它日雙茅結同依五
老旁

錢唐宗伯持潔齋今爲西冷夢舫與友話
舊

持潔新秋夕花前倒百觚溪西移夢舫窗北翫新
圖往事鴻留爪流年雪上鬚屋梁顏色在畫得舊
時無

五十易無過遺榮竟就閒傳家有秋水古系溯連

山竹自抱高節桐如洗碧顏茶香烟裊候十翼幾
迴環

薌林三兄小照

舊日淮南樹棠陰近接輿玉華前後節金簡世家
書詩興傳官閣民謠播鄭渠誰人工點筆清氣滿
庭除

開徑延三益垂簾對八公香凝鈴閣靜觴舉板輿
同古艷舒春態寒心立大風滿山桃李樹迴幹待
元功

我昔司文柄南邦託素襟吳雲縈別緒朔雪寄遙

心忽憶梅花發相思江水深展圖重惆悵聊作隴頭吟

昌化石鏤後赤壁賦

剖氏窮毛髮將矜刻楮工攜魚遊壁下聽鶴度江東寒月潭心白餘灰戰火紅一拳昌化石匠巧寫文雄

宣德雕漆盤

蔗園修內製鍼欸記當年壓手鉛胎重施朱鏡面鮮久傳知不壞欲速那能堅斗憶楊倭漆多方救

李賢

龍泉窯盤子

製自章生二千峯秘色開年深無髻壘土厚合胚
胎重借鐵沙腳肥澆杜木灰仙都我曾訪陶穴尙
山隈

壺盧器

賦質借壺盧成材遂散殊天然依樣畫人爲脫胎
摹印印物交物形形觚不觚果園傳內製巧與樸
能俱

丁未九月朔退直校周禮雨滴空階竭爾
有感

老慣諸生技秋深一檠孤穿簾蛩語細隔紙雨聲
麤閣上空歸向城南不見符辛勤還掩卷付者有
人無

宋太夫人味雪圖

雪亦有何味伊人自得之淡於水俱化苦乃藥相
宜寒閣烹茶候高樓咏絮時嵯州甜萬古藉晉五
旬卮

安石榴

露白先脫葉霜頰尙拆房啄餘紅豆粒傾出赤瑛
漿烏柏門前水黃甘屋角牆相偕籬下菊相與媚

思仙堂車利
秋陽

苦瓜

有敦瓜獨苦雅號錦離支屋角青黃挂籬心破碎
垂食同匏繫也甘配瓠臠之內熱消兒毒南烹土
性宜

原是學齋一律

側構兩間屋旁攤萬卷書退朝茲燕息娛老度居
諸清意入協引寒光一檠餘斷章釋詩教邨塾
憶來初

郊行爲友人題畫

突兀見此屋圖開寄所懽點霜抽直幹隱水疊衰
兼放手心機活含毫舌本甜胸中書萬卷揮灑總
清嚴

出郭美清快幽棲投敗檐一程休倦馬九月淡寒
蟾圓暗邨僧話鐙昏古佛瞻板橋叉手句微笑與
花拈

劉象山方伯八十壽詩

八十尙未老歸去來多年已了官中債猶存郭外
田課孫映月讀憶弟看雲眠曾展槎河卷其中有
地仙

四門國子學桂籍共寒毡舊友三人在吾師羣從
賢前遊語山翠憶樓霞遺愛付江烟海上多靈药餐
餘寄日邊

恩賜八鍼洋表

三五中原一歐羅巧匠心革離時刻杪鈎帶線輪
鍼背面如當面分陰重寸陰庶幾永夙夜拜

賜勵清箴

對菊有感

對菊忽不樂涼風颭髣邊黃雖霜傲節白已雪盈
顛縱有延齡益曾無結子緣那堪迴憶處牽向石

欄前

王伯申

引之

來商五代史記補志

禮失求諸野况丁衰亂年君臣令傳箭帝后墓焚
錢頭子除官橫毛錐治賦專天成暨廣順一二或
差賢

王審知德政碑

雷雨黃碕港甘棠錫號新王言翻媚賊文士守和
親韓偓傷心讀黃滔屈意陳民庸終不朽留此石
嶙峋

影鐙

無用以爲用藏諸用至精神虞由外鑠光本自中
生左右雙輪擗高低一綫撐少年鈔細字如豆眼
偏明

美無度硯

十二硯齋中無爲溷乃公寧甘抱石隱不以折腰
窮吟篆家多勝堅貞性與同吳門誇妙製粉印墨
花融

琉球刀

掣匣三千丈蛟螭遁且僵山英鑿久米海氣剌扶
桑重壓倭奴舶輕齎使客裝如何六一老猶覬百

篇藏

七月二日自園入城

晨興三十里兒女候門園

恩重心難報身疲力久違
饑猶偷鼠廩臥尙對牛
衣夢乍觚稜遠移家不是歸

阿密

七十見曾孫呶呀近辟盆
宅年墓下拜此日眼前
溫愚魯吾家素詩書世業存
惟期能叱犢自種自
田園

佛手

三伏猶未退包先橘柚香
柔何須繞指印自妙生
光白玉仙人體黃棉野客裝
天龍一信詘作我大醫王

尋醫

吏視已成事人相同病憐淺
深較癥痕爾我異變
虵身作銅人式方無肘後傳
試求草澤效全仗佛天緣

七夕

今朝兒女節涼意入庭柯
衾欲裝新絮衫先換袂
羅骨柴措挂痛皮瘞抑搔多
所佇新秋肅佳音迅

止戈

琳將軍過訪

食淡養生主心空卻老方視予三歲長較我十分
強結習未能學銘心不敢忘坐來梧影轉話舊惜
它鄉

戲成

戰馬一升鏃良醫三折肱曾經身困苦

白傳句

說著

氣飛騰卻克跛猶將林雍鑿且乘日嘗逢百毒惟
有聖人能

鄉音

升米十錢贏鄉音喜氣生
塋爭晚稻插江祝雪波
平去歲

恩真廣今年農轉亨
雖輸腰腳用坐仗筆爲耕

微雨

微雨止還作秋陰闇
又明蠅鑽紙窗礙蛩試砌楞
鳴讀愛南榮坐慵艱外戶
行餐錢今日到館吏叩
柴荆

師形袂苓

物化能離物成形幻伏師
楓人脂入地枸杞吠穿
籬確有銷金力硫能卻火
奇病中多聚藥安得用

之宜

燒衣紙

露冷秋衣送孟蘭里俗沿雞豚羅血祭蔬筍間齋
筵翦紙題官位斯薪燎寓錢餘波及臧獲撒飣市
門前

喜聞三省肅清捷音

八載風塵警五年

宵旰勞農歸兒負襁戰息士垂橐發慮由

鴻算成功稟

豹韜捷馳七月望氣肅順秋高

賞醫

呼天知疾痛積日倍哀憐

溫詔清卿下良方

御藥傳歌饒容屬和書卷許排箋屈指登高度虔

迎

翠罕旋

啟鑾

法駕平明出晴雲絢素秋巖疆明石匣內闕古檀

州棧靜無征馬梁高可蔽牛今年

大遊豫全捷更豐收

移菊

秋老雁聲寒東籬宿種攢移盆避青女易菜聽園
官郊外腴多畝階前瘦耐看何曾有三徑花亦笑
予酸

憶田湖

舊居南渡宅來自杏花邨六百年喬木十餘家耳
孫室頽無鳥雀野曠足雞豚况近瀧岡側長依種
德原

憶東壇

高曾耕讀地髫鬢釣遊邨萍宦三千里蓬生十二

孫舊巢仍壘燕同巷好追豚一派應留住還鄉水
有原

劉石菴相國

壩

餉書

弟子蘇和仲先生張樂全流風仰邕亮遺集久雲
烟爲我烹魚報還公食肉緣須知老尊宿不在口
頭禪

文與可雪竹明神宗賜宋壩物

洋州遺墨在萬个雪中筠不作天邪勢獨標正直
因前朝宣賜物舊閱秉銓臣題記誇榮遇雲烟過
眼陳

謝淞洲匡廬瀑布

一亭危鑄鐵萬頃濶鎔銀雲腳拖脩練天腰挂廣
紳故鄉勞夢想大畫要精神
寶笈分攜出名區地視人

涼

隔戶聽蕭慘凌晨涼更侵開奩尋複帳倒篋益雙
衾菊蕊正團碧桂葩猶綻金物情各衰健天地亦
何心

斗室

斗室三弓窄堆牀蝨簡斜倦惟跼榻角醒但仰簷

牙紅沁蘋婆果瓊鏤簷蔔花留香兼畏隙經月閉
窗紗

八月朔日

今朝八月朔日晷近平分天氣判涼燠人情隨戚
欣蛩音嘈暗壁鴈羽決高雲一瓣心香祝中庭拜
綵雲

旨命留京王大臣差人視疾

存問勞留守旬逾兩日纔天憐衰草瘠地爲蟄蟲
開顧復牽

慈念疎蕪媿棄材何時雲罕側立仗逐駑駘

聞

大駕罷獵

春嫩秋光老天高
况上蘭鹿羣隨草
減馬骨畏泉寒諸
部咸成覲三秋早
迓鑾乘時行節令
總計萬民安

客有勸無作詩者

臥餘消暑刻病候
紀盈虛豈有撚鬚
苦多因信手書勸
子情獨厚笑我習
難除獨悔少年日
雕蟲技本疏

自笑

自笑謀生拙營集竟似鳩嗟原由不節介敢詡無
求舊宅風前絮還家岸上舟鷓鴣與鼯鼠微計萬
難周

苦瘧

忽覺層冰踏俄驚握炭焦欲眠難闔眼作痛苦伸
腰寒暑一時轉衰癯百病招幸猶創處定塊若兩
無聊

曉聽

曉聽灤京

詔冬冠已易新境高寒易集患久息逾真樹老葉

爭響庭空月近人
四離何足諱
所冀病離身

東康茂園

基田

同年

四紀齊年契三秋
握手歡行欣
君翼鑠病愧我蹒
跚坐久扶衰葯
人傳止蹙丹
天涯成鼎足

謂松山

七

十各加餐

作勢徊翔久
聲名孰與齊
廉泉徧南北
平水奏河隄
囊智猶堪扣
輿情久共徯
獨憐移照近
已越大江西

右耳響

右耳倏作響
笙竽雜管絃
啄穿深樹鳥
曳過別枝

思食生車和
蟬帖枕內不止支囊俄復然天龍八部衆割左尙
聽禪

戒饕

巖社湖邊月珠帆照蟹筐排頭青篴押露口稻花
香炙臯釜中走方鵞匣裏藏寄言饕食者仁術慎
毋傷

記縉雲縣

北海風流迥猶傳篆法神晚衙庭縱火夜驛箬防
身架厂猶重屋因崖乃鑿闢勒坊真盛事四皓一
靈椿

痰淨

濕蒸突菌蠹緣潰恣花翻一載懸疣附三醫束手
看成偏拋壘易去較拔釘難今日消除淨佳晨亦
足歡

瘡止

疔作惟堪伏秋天不肯明杜陰陽疑必戰水火激
相爭止葯經兩日安眠到四更始知朋黨旣欲去
在持平

恩賜側理紙一笥恭和

御製元韻

恩餘堂輯稿

卷四

末

匠擅禹杭巧珍奇典午稀千絲蛛網合雙竅璽箒
非斜徑天經緯文章

帝杼機不裁留古製所好慎

宵衣韻妙重規疊書宜

八法揮侍臣傳拜

賜博物敢云幾

送程少宗伯

嚴

歸養五十韻

錫類

君恩篤陳情子職修大臣觀進退盛世得優游有
美邦之彥名賢孰與儔文章根慧業勲績懋嘉猷

本自趨庭授貽從式穀謀九臬儀鸞驚千里騁驂
駟玉署鴻才擅金坡藻思抽持衡臨陝右秉節到
炎洲朗鑑冰壺映遺珠鐵網掇

九重深簡在一德契旁求清要官銜領循良京尹
優執銓惟汝懋典禮若予疇台曜臨三輔文星歲
再周影纓扈

春省載筆從

去

秋蒐履跡星辰上衣香烟篆浮周官重宗伯卿祿
視諸侯遇比尋常冠時經三十秋一從辭子舍幾
度抱離愁冬夏違溫清晨昏想膳羞鶴雖好爵有

烏憶返哺不鄉夢寧思賴臣心切報劉

主知慙黼袞家誠念箕裘拜疏趨丹陛披章對冕旒

賜俞真寵渥垂鑒許歸休自是敦庸行何關退急
流抽簪非決絕脂轄且遲留楊柳三春岸雲山千
里郵郊闔羣祖帳通潞泛仙舟下水飛雙槳前旌
擁八騶迎門聞報鵲繞膝好扶鳩桃李新陰接枌
榆舊社投靈峯翠嵐染鷺渚綠波柔野市環河口
春江下信州籃輿行捧席撰杖侍登樓戲舞翻萊
綵稱觴酌兕觥容顏臺上鏡肥瘠帶間鈎膺每扶

牀澣衣因請衽摳始知爲子樂彌覺暮年遭庭下
今珠履堂前未白頭陵葩明蓓蓓陔草粲油油舊
學聞詩禮兒時某水邱情懷惟友鹿心事欲盟鷗
花竹樂君實江湖戀子牟鳴雞肅鰲佩珂馬夢銅
籌在昔君臣會常懷明發憂詣京親自屈拜閣涕
難收誰得遑將父言旋遂息陬椿齊大年長桂傍
小山幽孝行師曾閔功名姬范歐長吟五百字
殊遇紀公尤

金可亨司空早朝圖

有美熙朝彥鍾靈泃海東系原君子國秩拜大司

空穎自丁年韞誠孚

乙夜衷小心周密勿雅度挹冲融覲面春初盎披
懷玉並融聲華聞天鶴際遇順風鴻

眷重勞偏至心劬政不叢身恒兼數職事或領三
公邦計司徒攝卿材內職充雲厨金鼎和星篆翠
珉龔崑閩圖書掌淵源館局崇銓員憑月驗

壽典與天隆庶務皆條貫宏才總棣通蕭爲漢造
闕垂作舜共工周道夷千軌前朝葺九巖市區平
粲白漕庾計陳紅官屬承頤頤胥徒振嘖聾短長
知莫外正直得其中妙手真司契精思勵匪躬

乾清燈樹月寧壽繡旛風字活昇難巧文排著每
窮呈來

天一笑寵逮衆難同晝接移蓮漏晡歸遲籥箏分
茶詩七字小宴樂三終冠珥翎花翠衣披狐白豐
閣成霑

賜爵禁遂許乘驄魚袋時兼鑰
鸞牋徧貼櫳

萬年觴敬舉千叟宴

恩蒙齒宿七旬近名高百辟功先芳清作吏慈蔭
佛爲宮兄弟鵷行韻郎君鴈羽翀廉泉迎太守巖

思餘堂輯稿

卷四

九

鎮啟元戎笏滿連牀嗣珠擎識字童城南莊水繞
斗北第雲籠家慶駢蕃集朝端體貌雄老成鬚積
雪圖畫氣成虹安石風流相文淵矍鑠翁口絨溫
室樹胸戀紫宸楓望闕晨鐘徹籠街畫鼓逢嚮晨
參轉斗破曉月張弓鰲背懸馳道龍樓迴上穹北
安門詖蕩西苑影溟濛史執魚須進衣從鵲尾烘
火城圍翕施珂馬緩玲瓏上駟裝華轡羔羊襍素
總傳神長蹇蹇耀采鎮熊熊衆裏端驚座余懷接
抱冲曹聯段倚壁聲應燹餘桐五百字巴里三千
界嶠蓬更看鱗閣上直欲倚崆峒

別家

扁舟欲上更留連行李衝寒壓半肩正是早梅繁
故國獨憐孤客倚江船山橫斷岸開晨霽水激遙
灘聽夜眠回首高堂方歲晏江風江雨送殘年

七里瀨

七里瀨前潮水落釣臺遺趾枕江皋祇今漁棹空
烟雨自古鴻飛愛羽毛妻父已從吳市隱故人那
識帝星高我行日暮舟中望巖畔居民結屋牢

錢唐

錢唐西望海門關千載東流去不還地現金牛專

佚宴天留泥馬剩江山潮頭白是孤臣淚山色穠
於西子顏獨有蘇隄絲竹罷數行楊柳昔曾攀

錢王祠

東南形勝抱名區曾是錢王舊版圖五季干戈歸
樂國千家簫管在西湖椎牛罷宴人猶昨白馬來
賓計匪迂自古功名善終始表忠片石立踟躕

姑蘇懷古

霸業千秋逐劫塵錦帆涇水石粼粼復讐不媿真
男子亡國何關一婦人墓檟傷心興廢日宮梧愁
見寂寥春可憐西子沈鴟革吳女如今最善顰

除夕登金山

鐵甕城高水氣浮誰將卷石障中流波搖塔影齊
奔海風湧潮聲直上樓到眼峯巒橫北固隔江烟
火認瓜洲老僧閒向空欄倚一葉看人浪打舟
仰首靈鼇踏急湍鈎連八柱水中安一年殘日行
將盡萬里長江到此盤祇有樓臺更無土未曾風
雪不禁寒焦先舊隱依微在我欲凌波更往看

初入寓齋戲成

數載鄉園夢已虛竭來又傍

帝城居經營百計燕巢屋偏仄三間蝸作廬閒向

思餘堂輯稿

卷四

三

長安猶索米倦憑短几獨攤書奚囊卸卻征塵在
家具無多不借車

蕭閒庭院得吾真客過何曾剝啄頻竈近夢中聞
戛釜巷深牆外任飛塵山陰遠憶浮家處日下能
容兀坐身最好出門西向笑城頭山色氣嶙峋

塞外雜詠

檀廬

千人可坐帳伊那棟宇居然載以駝牆似編籬風
陣入蓋疑張繖雨聲多到門一任生青草捲幔偏
宜對碧蘿別有雙簷人字樣都稱安樂得行窩

駝裘

帖地何曾千里駝遙裘不慮塞程多載將家具還
行具度盡危坡與淺坡沙際奔泉蹄印濶柳邊作
隊項鈴過歸來雉兔紛他藉負重須防偶一蹉

馬絆

分將官馬足驅馳維繫休教起遯思耳後風生來
玉埒脊端霜重立金羈竿爲閑廐繩爲阜水滿山
泉草滿陂竊轡詭銜防夜逸一聲嘶向夢中知

風竿

入望高低各颭搖竿頭斜曳颺層霄危檣矗處風

帆挂山店開時酒旆招圖就忽翻前度樣燈明認
取舊時標影收入臥周廬靜夜櫟沈沈響徹宵

雨溝

不同積潦塔兒頭雨集皆盈底用愁深淺但消一
勺水縱橫如界十夫溝掘成我僕痛瘡力學得伊
孫詰曲流卓帳未安先命鋪端知前事有綢繆

設卡

星廬萬帳簇紅雲人絕譁聲地少氛

御路兩旁雙卡立大營四面八旗分其風無敢收
通馬入夜先呼越隊軍部勒森嚴兵法合圍間數

獲足論勲

地竈

掘得團瓢三尺土煨將楫枻一鑪深不須曲直先
防突但取圍圓可架鬻夕饌晨炊經再用燎薪揚
火未全黔若教祭竈比鄰請日日招邀繼自今

安市

昨於何去適何來論價爭贏笑語厖小聚空場半
日事坐廛列市一時開生涯但逐行人便奇貨難
居日用材征稅不輸

恩例久萬人歌舞塞垣同

征衣

寬博誰言利走趨裁縫熨帖趁征途長裾斷處剛
容膝短後穿來恰半軀最喜逐熊誇捷步偏宜騎
馬向平蕪路旁爭羨鶯黃褶豹尾班中按隊俱

銅晷

十二辰中別正初不須測影土圭如璣衡運轉原
銅鑄度數分明匪筆書妙製創由泰西法遺規傳
得指南餘行人按候尤稱便起頓無訾汝與予

頒鹿

俟俟儻儻或友羣獻豸幽雅意虔申豈知雨血風

毛後徧逮調弓執戟人拜

賜榮霑誇部落分甘

恩許洽臣鄰罷圍按簿如山積未獲猶看士怒嗔

建昌黃查亭八十下第

恩賜檢討詩以送之

卅載名場曾橐筆一生心事在傳經玉皇香案身

爲吏南極老人自有星

杜句

記取三條燒燭燼從今

五夜照藜青綠袍親博

君恩重不向朱衣漫乞靈

龍泉仙李

勉

齊年客同拜丹綈出早朝碧眼方瞳

思餘堂輯稿

卷四

五

稱後輩青衫席帽上三霄冰銜冷淡酬初志伏雨
清涼倚去橈歸向盱江某邱水閒扶鳩杖話漁樵
送客廣渠門外

一春閉置層城裏如馬在銜鷹在繚今日出門牽
別袂始知柳色染青袍搖搖酒旆臨官道決決流
泉度曲壕何事駝聲鳴替戾行人爭踏輦塵高

歐陽可堂

正亨

柳州觀濤圖

以水浮物韓子說如泉出地老坡云幾人學海能
到海有意爲文非大文斷港絕潢無曲折蹄涔鮒
轍徒紛紜請君更放觀濤眼河伯向若君應聞

慣經北馬南船路說到雙姑空惘然江近潯陽分
九派柳當春色已三眠主人作記自怡悅客子讀
畫長留連五柳先生不可見尙餘琴韻在無絃柳
爲靖節舊居

白芍藥用敬業堂集中韻

曲裏憑誰舞研光千紅萬紫若爲妝別參色界天
然色欲透香林自在香一捻痕留顏尙汚十分春
飽淡何妨若過紅藥翻階地頭白應憐老作郎
髣髴脂凝與作膚碩人端不讓諸姑臨風落侶階
迴雪對鏡翻如水在孟富貴花從時世好丹青筆

謝俗工圖朝來雨過豐臺畔繞徑鋪氈踏欲無

裴漫士先生所藏斷碑硯

一片堅貞孰護持零書淺印古痕黦漫同文字無
情物都是湖山遠謫時過眼風燈牛礪角到頭金
石豹留皮遭逢幸落先生手閱世蒼茫硯不知
寄意應非翰墨娛千秋學術豈殊途半山亦擅文
章伯南宋終嫌事業蕪小試杭徐賢守績強分朱
陸後儒誣摩挲石丈還相問進學姚江退學蘇

次韻送陳明譜

獻琪

同年之官秦州

逸足初馳餞廣筵朝看秣越夕芻燕詩成倚馬新

盈什裘買豐貂計直千萬古仇池猶有穴百壺中
渭總如泉杜陵遊句秦州在遙憶紅蓮曉幕前
風凜地僻好當官飢我飢之寒我寒手足莫忘良
友贈脂膏應念小民難定知才子賢聲遠攜得佳
人秀色餐上考他年來剝牘雲霄萬里九秋翰

消寒七詠

暖硯

瑠璫匣啟凍將凝注火溫湯旋旋蒸筆架三峯連
野燒硯田一畝解春塍雲烟忽散吹毫活人墨相
磨炙手能石丈莫愁寒到骨陽和先破雪層層

羶簾

門外風頭戶外塵青羶舊物輟來新較量銀蒜鈎
難起分付金刀翦欲頻莫逐誤飛還有燕可憐垂
地更無人座間客至寒須具都向前檐一桁陳

風門

白版疏櫺兩闌間蝦鬚簾額一時刪因人忽進隨
人退推手旋開卻手關也有玎璫垂玳押不須剝
啄叩銅鑲南榮日照成三扇聊當重門往復還

熱炕

當前鼓橐鞬洪鑪築土爲基疊石鋪水在地中流

詰曲風生囊口怒啼呼橫陳穩稱眠分榻洗手毋
勞日入厨五夜熨回衾似鐵不知門外雪花飄

火鍋

何用長筵五鼎烹藜根瓠葉滿中盛席前不畏炎
涼改食頃偏容水火爭豕腹脹間通直突羊腸繞
處學車聲春風三月過寒食棄置還同折足鐺

花窖

宿火溫泉著意培蘆簾墮戶土成堆始知春在地
中滿儘有花從雪裏開節候南枝思庾嶺人家陶
穴佳豐臺不分廿四番風信一夜緇桃間綺梅

冰牀

一榻拖凌三尺餘，腹堅剛及洎寒初。
聯縣五兩牽浮艇，局促雙轅引小車。
人在鏡中叉手立，客從牀下鞠躬如。
祇愁滑路春來薄，坐要堅牢步要徐。

楊默堂

方立

鴻臚歸養詩以送之

一葉亭皋意颯然，秋風泛櫂潞河邊。
客深但覺歸人樂，情重能邀

聖主憐焚後，更無封事草俸餘。
并乏買山錢，兀誰紅旆喧簫鼓。
八口全依轉運船。

苦節當年矢柏舟，九滋荻影幾春秋。
詩書博得清

卿望黎粟新添稚子求膝下人爲林下老章江水
合貢江流到家鄰里相傳語不負紗帷已白頭
槐樹祥鸞柏府烏漢官儀重大鴻臚問誰破格超
新秩遽肯陳情賦遂初官爵聲名一冰雪文章行
誼兩璠璣鬱孤臺下閒居日最好花前奉版輿
登堂古誼洽親朋爲祝寧馨小字彭前歲先生舉
名曰彭孫十載簪裾稱後輩寸心砥礪屬先生疎
祖長年也
林紅樹朝帆遠秋水銀河夜影明慙愧小人猶有
母送人歸養不勝情

署西斗室顏以半靜齋家塾舊榜也并題

放衙易了公家事，鎖院閒宜靜坐身。
樹石一庭邱壑老，田園千里夢魂親。
退餘僧定惟餐粥，課罷兒書好負薪。
未識明年又何處，題詩掃壁紀前因。

徐州試馬射

銜枚蹴踏殷隆隆，千步場臨百步洪。
月滿勁弓塵障黑，雲浮長埒沫流紅。
此邦山水多奇氣，天下英雄入彀中。
慙愧腐儒疎決拾，輕裘緩帶坐春風。

徐州儒生年九十索詩

茅屋抱書儒，祭酒蘭陔問字老。
諸生一家素業尋常少，百歲期頤九十盈。
山海經中能博物，朱陳邨

裏舊知名好持學行鄉人化耆碩由來後進程

甲午重九與諸子同遊君山越兩月受代
將行門人王闔風來送以君山高會圖索
題補成長律四首

天際春申賸有山畫成佳境好躋攀我來三載不
到眼是日重陽一豁顏北郭烟光橫野岸西風秋
意滿江關黃泥庵側坡坳路直上銀盤翠髻間
亂山兩岸界中分驤首昂藏萬馬羣地坼天寬江
近海風生浪濶水連雲野田平掌栽秋麥古塔橫
腰挂夕曛忽有雞聲來隔浦種沙人久住榆枌

雙引紅旗俗可憎
健憑腰腳好同登
送江入海蘇和仲
強老悲秋杜少陵
未識平生幾兩屐
况逢佳日二三朋
與君乘興窮千里
寒閣還凌最上層
如此山川眼底橫
絲鷹銜馬寄孤城
直當欲去留鴻爪
莫負逢秋聽鴈聲
事過已餘圖畫在
江來偏傍別離生
王郎斫地心休苦
跋浪重逢望汝情

澄江登舟

三年持節滯江濱
帆鼓船旗忽去津
戀

關蟻衷纔得遂
戒塗驢跡總成陳
暫爲百口浮家策
獨作扁舟就道人
山水此邦賓主久
依依相向

似含顰

吏人鵠立走諸生送舊迎新
一晌情仕宦鴻飛當
雪霽僮奴鳥散欲天明或雙或隻路旁堠無雨無
風去後程一事此行差不愧歸裝還比到來輕

龍尾石大硯一丸用之十六年炙凍中坼
奴子舟中枕以臥轉側間墮地破爲二戲
成兩章

一斛揮毫捲白波塊然山骨幾經磨漸成龜兆庚
庚在頓作蟾光片片何披筆焚書同感慨斷槍折
戟共摩挲硯田也有銷沈日底用東阡北陌多

破甑難收既墮初空憐十六載相於石交終判中
心薄文士徒工半面餘老氏漫云能守黑韓公又
笑不中書萬緣成毀皆前定磨墨磨人信有諸

寒食過楊柳青

春光已作寒食節客路始逢楊柳青地腳漸南衣
覺重潮頭近海氣多腥傷心時物烏銜紙望遠程
塗鳥刷翎不見野棠花似雪何年窰窰安先靈

顛風

顛風終日客帆過住或如膠去似梭大舸萬鈞掀
不起輕舟一葉蕩如何排頭傍岸我心定抵足高

眠舟子歌說與江湖有真訣祇憑重載涉風波

夾馬營

茅檐土鏗三家聚繞電流虹一代祥隔巷鄰人來
救火深宮天子正焚香河山終屬興王後南北都
隨敵國亡今日斜陽漫憑弔自從泥馬已荒涼

丁酉揭曉日國子學正錢塘趙公前靈石
令涿鹿胡公重入鹿鳴賦誌

乞漿得酒歲逢酉鼓瑟吹笙賓樂心二老杖扶蒼
玉立三秋華向白頭簪口碑吏績留汾水橐筆
君恩長泮林共道

熙朝足人瑞王文恭黃崑圃盛事好重尋

得意當年選佛場兩闌南北遠相望燕臺市得千

金駿桂子飄來八月香榜上已重

堯甲子人間不獨魯靈光若偕入席諸君齒未是

孫行亦子行

歸來解組幾經時重著朝衫拜廣墀翫鶴聽琴傳

治譜撫松種菊入新辭于今虎榜真先輩自昔雞

窠有小兒請看上堂民父母抱孫猶是舊含飴胡公

時就養哲孫
仁和官署

叨持使節下南天杖履相逢地上仙萬卷誰爲日

五色廿年我已雪雙顛

予癸酉鄉舉今廿五年矣

棣華同綻兄

師杳

大兄定軒中翰康熙丁酉鄉試于兩公爲同年

竹筴新抽穉子駢

猶子良昇長兄翼蒙今年同忝賢書

傳與諸生共酬唱題名先後在

詩篇

處州卻金館攜來黃楊樹子

桃花嶺外黃楊樹萬丈山頭一尺身也逐旅人飄
作梗免教畚戶斫爲薪生成枝葉殊肥大閱盡風
霜少屈信檢點越衰惟有此終慙孤館卻金人

春風舫

挂席搢簾致自佳衙前衝替省差排往來一水心

恩餘堂輯稿

卷四

三

無萍空洞八窗知有涯幾擔隨身非長物三年常
住當高齋願同人我春風裏南暨吳淞北達淮

庚子疊韻

倚篷烟月舊清佳驢磨鴻泥次第排十載重來詩
在壁一帆無恙海之涯荻蘆叢裏春風舫苜蓿盤
中朝日齋不負初心如白水何曾遷地橘踰淮

春風小舫

杯羅均堂芥亦佳約萍撈葑費安排荷香半畝方
塘外竹氣三更淺水涯梁月手書留小舫雪泥爪
印任官齋何年艤向雲溪岸蕩槳憑來酒似淮

春風餘舫

艇泛瓜皮小住佳郵程逐我按籤排又移西子湖
雙櫂重到春申浦一涯遷替多慙壓船石欠伸也
學打頭齋宦餘攜得勞薪伴八百平江更沂淮

衙齋落成詩

泥壁新乾構架成蠹房戶牖自經營軒廊向日書
堪展斗室堵牀夢不驚官舍

恩容居四載故園歸少屋三楹公餘飯飽無它事
坐聽蠅鑽窗紙聲

殿試讀卷監刻策問紀事

黃紙初騰墨影斜裁成片片集雲霞移將南省來
薇省結得燈花作杏花堂左中書勤染翰門前羽
衛密排衙甘霖新足清涼夜宮漏遙聞散曉鴉
十丈蓬山冠巨鼇當年待對憶螭均六星斗戴匡
同抱二相身尊道更高誰有通才齊賈董能於
盛治益姚陶科名文字皆
天鑒敢說朱衣職有勞

葛山相國澄懷二十友圖

去爲登樓戀闕旋台星北轉五雲邊別深師弟詩
長在年老

君臣席又前洛社望高身已退瀛洲官近客難賢
畫圖領袖如今少鐘鼎山林眼底全
名德高風渺欲攀神仙海上有三山頗多後輩稀
前輩不是官閒與物閒解到五更
天一笑領將千叟相頭班

熙朝盛事多耆碩老句新題又幃間

慶月田桂大司馬聽泉圖

聲名官職兩光輝五十爲卿佇衮衣

天眷世臣多雨露入參留守領樞機盟心水澹家
無屋及物泉流國必肥相出相門容易事須知平

較不如韋

因寄深情陟岵嗟非將竹石畫圖誇語云樂水知
者樂象日出泉子克家風度當年人玉立衣綃少
日鬢霜華再窺東閣迴生感脫口凌河句少差已歲
卯初謁文端公於江城百花洲誦先君子大凌
河打魚詩不差一字蓋相距已六十年事矣

得四姪淦生子之信志喜

范喬遺硯不生塵又接書香一輩人四月蘋孤高
節報六旬老子客游身添丁信是家門樂聞喜強
于科第頻料得故鄉鳩拙婦也應開口笑生春
魚游同隊鳥同窠我已諸孫膝下羅算到早遲皆

有命便分窮達不爭多一寒范叔誰憐者五岳向
平如累何海內空囊休自詡營巢須返舊烟蘿
六十生兒未是遲蓬頭揖客鎮相隨過言過行後
人看能讀能耕上世貽千里外傳開祿喜十年前
憶質衣時賜書儲粟楣間揭從此多男視舊詩有
賜書多識字瓶無儲粟力耕
田先光祿公遺句書爲楹榜

周立崖夫子致仕歸里詩以送別

偶欲休官便亟歸拜章纔下命驂駢十年兄弟一
握手萬里鄉園雙掩扉剩墨殘詩留老友濃花細
草出春畿懸車近俗思鱸淺誰識先生靜者機

師門天半魯靈光立雪生徒鬢已霜
開到杏花思入宴折殘楊柳少離觴
未知杖向何年撰安得輪成一夜方
砥行長如依座下不教孤負舊循牆

門人吳居明船室

南人慣船已成僻故作蕭齋學小航
泛向不波水三尺繫來無著樹千章
虛舟蒙漆心相似舫室夷陵跡詎方
解纜卸帆無一事讀書閒倚徧垂楊
公車五上竟空還暫學忘機向此間
事業尋常問芭字功名五十寄蓬山
六朝有句全當戶一畝之宮便閉關
門外生徒多雪立不須三徑掃苔斑

淡墨書名前日事喧傳白下萬人家
魏科君喜足成鼎老學吾矜眼不花
性以孤高避雞鶴文從肥瘦食熊羆
最憐恪執門牆禮每度摳衣送使車
遮眼江雲江水澗別君回首妙高臺
塵中鵬鷃終須出天上麒麟早送來
家在畫圖終日樂舟當去住兩心猜
眼前輩行因棖觸膠漆當年陳與雷

飲西園梅花下

十樹栽梅屋兩間如雲賓從與官閒
牆頭山壓春申浦夢裏江回大庾山
諸子探花憑好手老夫看飲也開顏
歲寒消息羣芳領人意於中各有關

吳冠山前輩壽詩

星依北斗水歸源宿望歸然四十年史筆三長留
柱下高文五色耀雲邊

先朝侍從今餘幾老輩風流舊所傳若向木天圖
世系郎君已在十科前

八閩先賢講學墟鄉人持節下丹除武夷九曲心
源接炎海千重眼界虛頻向青燈聞感泣幾多絲
筆仗吹噓誰知玉尺冰壺側更有于公治獄書

鷗鷺心期寄往還歸來物外儘蕭閒夢回竹簟茅
檐外春在研朱滴露間老閱窮通宜學易家原雲

海足看山拜

恩江國雞翹下猶綴冰銜舊日班

七夕剛懸七秩弧貞元來復壽之符陳將乞巧雙
星宴佩得真形五嶽圖天上文章分七宿海中琪
樹是三珠不知後進柯亭畔一曲南飛入聽無

裴太夫人壽詩

村共朱陳世孔李德儀鍾郝配皋夔詩書不泣牛
衣日淡泊能甘象服時堂上常聞供滂飴女中何
必讓鬚眉朝回絕口言家事中饋如流客賦詩
山頽木稼去棲遲清德簾金絕少貽咳縱生蘭無

恩餘堂輯稿

卷四

三

壯子室惟畫荻有嚴師艱難善保書三篋提挈常
輕路九達護得高門如舊日果然差勝丈夫持
人生何處最難忘遠大相期荷老蒼盧駱才高遇
聞喜梅蘇友勝過歐陽豈惟兩世窺東閣曾共諸
生到後堂慚愧於今老賓客不成衣鉢負門牆
落筆當年語不嫌抒情述德更層層開顏奏凱一
遊子和膽讀書三孝廉長保家聲踰綵戲能娛老
境卽籌添南飛鶴遠登堂拜菊水觴稱壽善兼

九九消寒圖

吳體

冬至至後驗節序

帝鄉風土堪重尋圖間一一梅作蕊數到九九春
將深黃鍾灰飛候地氣復卦子半見天心莫言兒
女漫遊戲此中耐可占升沉

粉痕墨瀋寫作圖家家素壁室一隅歲云莫矣雪
半樹日正長時花滿株牀頭張來作畫幃門外揭
處偕桃符也似山中不知歲甲子但看青草枯

直從添線繡戶織算到荷鋤青疇耕梧桐也隨閏
月長蓂莢直與晦朔爭雪花六出梅五出夏至陰
生冬陽生

夏至後亦
數九九

欲向太元問消息八十一家

春縱橫

不分冬後春以前日日惟見高堂懸南枝北枝梅
吐萼二月三月柳吹棉未登荆楚歲時記已入
帝京景物編吾徒三餘幸足用點筆圖末相陶然
書九九消寒圖詩送六兄之任

分手剛逢二九初白雲觀外雪花麤弟兄艱別况
中歲州縣重經是坦衢搦管勉猶書細字添衣祝
去慎長途若逢驛使須勤寄梅信春長視此圖
恩賜朱昆田鳳沼澄泥硯恭紀二首
詩成全韻古來無千字重排末簡臚
褒以金花

天筆詔搏將黃土化工鑪逸材異想慚交集劑麝
豐貂品與俱古絳一九同拜

賜三霄文露幸霑濡

黖然古鏽蝕猶昏小印分明錯鐵痕池鳳文章子
墨在笛漁詩句父書存六經醉溯人傳授

七字題欽學本原舊物青毡邀

睿鑑儒臣家世識

深恩

恩賜宋梁苑雕龍硯恭紀二首

年深澤古自元明遺式宣和孰範形穿首周渠下

巖品鱗文介字尙方銘汴杭

論定心長記圖譜摹成眼夙經介質幸隨

香案側潤痕猶帶墨華馨

三千宴叟競敝詩載筆儒臣或代爲體雜壤歌與
衢頌

訓崇雅正戒新奇編排方懇成書緩

錫賚偏邀異數施何幸臣名先篆刻得如石壽視

銘詞

恩賜

御筆書畫恭紀四首

蕊珠函啟九霄雲

至寶歡從

衆殿分中禁西清同舞蹈墨香毫采相氤氲

心開義盡追元化

手握軒圖仰

大文天縱多能之謂

聖鍾王顧陸漫超羣

長依蓮座結跏趺四句真言廿寶珠莫以塵根談
般若先從

心印結佉盧勢凌海嶽奇蹤上諦揭楞嚴妙義敷

佇向清涼

臨六度

當今調御卽曼殊

京口之狂舊寫圖
北窗與方壺朝烟摩詰園
中柳疎雨襄陽苑裏梧快想甘膏利農陌
特攄

清興向

巡塗全懸下筆生晴晦造化爲師不用摹

天章先覩旨盈千橐筆年來

寶笈編頂禮雙擎金掌露捧歸猶帶玉鑪烟多慚

客牧分

虞陞

者十二人賜書

共擬雲歌入

舜絃

者八人賜書

傳與子孫珍世守高堂

御氣鎮長懸

郊行題畫後復成七律一首

畫中詩卽畫詩中聲有聲無不在笳披向遐心成

縹緲和來禿筆久蒙戎深慚同隊穿書蠹

謂曉嵐宗伯

又聽新秋在野蟲鉅鹿諸侯甘壁上愛看墨守與

輸攻

壬子臘月四日

恩賜

御用紅絨結頂黑狐冠恭紀二律

曉承

渥賜誦朝端
跽捧光榮出
尙冠溫玉一
圍華腋集
寶蓮九品綵
絲攢大雲成
蓋長遮頂時
雪飛花總
解寒扇影鑪
香依咫尺

凝旒未敢舉
頭看

貂豐狐白荷
頒

頒頂禮今番
越等閒倣弗
改從知

儉德受言藏
益凜

天顏焚香告祖堂前拜啟
謹知

恩膝下環迴憶選場
攜席帽儒冠不悞報應艱

癸丑正月十日恭進集

御製句十全詩

恩賜

御用紅絨結頂貂尾冠
敬紀二律卽用前韻

纔拜荷囊日履端

元旦恭進衍元旦詩
賜小荷包一對

珥貂重

賜侍臣冠華顛彌感

恩光被綺歲初開
淑氣攢八穀左廂斟雀舌

初八日預

茶宴小除東壁燕雞寒

上年小除夕寧
壽官賜食

春風及物多

良會空車禾
逾格膜戴難酬靜自看

勒石銘功

記昨

頒萬回維誦退朝閒

幾康敢效皋賡

舜苦卓仍希

孔鑄顏五集聯珠都入珮十全釋

寶得中環敬攄後語慚駢儷貂續方知措語艱

甲寅正月十日恭編

御製詩文十全集表進

恩賜

御用紅絨結頂貂尾冠并大壺盧荷包一對小荷包四仍用前韻敬紀二律

鑪烟捧出

五雲端三

賜豐貂

御服冠朝帶雙垂象形吉宮囊四照作花攢開年
煦嫗春同盎經臘編摩筆不寒最是黃牋謄進表
明窻

齋殿幾回看

藝苑囑瞻

御集頒幾先制勝裕

幾聞

文章自是煥其有

智勇誰能抗我顏

天筆磨崖北斗上

皇輿括地大瀛環壓將四部推冠冕韜畧詩書配

總艱

恩賜琉球國貢扇恭紀

久米中山國土開搏桑東指爛銀堆三年黃篚占

風至

萬壽稱觴入賀來
聚寶裁青崖下竹
陟釐含白海
邊苔羅義貂與高麗
帕除夜同霑捧

賜回

恩賜高麗貢扇恭紀用前韻

朝鮮聚骨製初開
圍扇何須蜀錦堆
春覲瀛臺人
乍到晨趨

朶殿貢分來面裁
烏玉拖東漆質韌
純綿搗海苔

昨讀箕田韓氏考

高麗人作

亦知古制信難回

書課四首

國史

卅六年前舊史官鈎稽朱墨預參觀我

朝功德唐虞上自古文章左馬難

特筆親承嚴衮鉞多才同事集鵷鸞笑它小宋清
狂甚椽燭紗幃侈亦酸

盛典

念徵集福萬方臨繪鑠鋪鴻冊府森寫出貢圖聞
立本獻來驃樂異牟尋八庚第頌

君師教四得敷言

天地心三帝豈能臻記載蜚提書契到於今

寶笈

虞廷作繪禹書題垂象

天章孰敢齊亦有舊臣登翰札儘多名蹟襲油綈
寫經老伴人游渚橐筆仙曹星聚奎
昭代成編非玩物共存典要是全提

石經

紹興半在開成補矧復熹平百一遺安得中郎通
古法幾曾

天子作

經師下幃幸附羣公後奪席難承

上聖期束髮憶從佔畢業重溫舊學情新知

吏部廳前簾花

吏部廳前古簾樹匏翁傳是手親栽祇今四百餘
年活爭唱七言六首來公道莫輸南省草重榮猶
讓辟雍槐七卿年表分明在不負看花孰異材
閨風仙客西清直暇倩關穉爲寫圖左右三銓人
獨掌弟兄二妙步聯趨千絲瓔絡籤名望萬斛玫
瑰對卷鋪最愛河間老副相慣從駁辨見工夫
方母吳太夫人七秩壽詩

昔衣短後向灤京曾覲光儀道左旌南國文章院

世學東都事業漢賢卿
達人有後遺經在健婦持
家久宦清吉夢徵蘭年已老

寵教抱見錫嘉名

鼎貴家門倏已移居然寡婦撫孤兒
九仙骨賴長哺藥萬卷書因警斷絲
李善毀家全族邨呂才論葬卻巫師
仰遵慈意能純孝常母曾無異視時
才名白下一軍驚我向芳洲揭杜蘅
海外屠鯨資婉畫文中繡虎再持衡
垂魚柏府與長奉封鮓榆津毀不行
酌水明河晉康爵孫枝卽共桂枝榮

送王婿第五女歸省

聖慈簪履要知恩萬里羈孤入玉門乍對燈前如
夢寤相依日下閱寒溫雙飛此去宜將母萬福來
前佇抱孫迴憶塞垣飛不到朱陳祇似嫁前村
承家姆教守謙和堂上尊嫜鬢已皤陡憶友朋隨
夢遠久依父母越情多儒門子弟毋純袴貧女資
裝少綺羅我老情懷莫牽惹隔年待汝祝香螺

彙藏印匣漫題

塊然賦質本硜硜移向文房伴墨卿鐵筆寫成宜
古雅紫泥印出要分明姓名認我堪粗記官爵隨
時亦屢更多少亭軒虛著錄何曾真見眼前橫

禿毫凹研久綢繆漫漶塵堆寒具油押字但隨紙
尾署緘書莫問石頭郵賞心曾乏文章助努力毋
貽氏族羞拉雜一囊收拾在他年手澤子孫求

題畫

竹嶼一卷亭翼若柳磯千頃水淵然瀑泉遠赴危
橋外草閣孤凭古寺前紅樹青山獨往客月明鐘
定夜行船願言墟落移家住空有林廬入畫懸

松花石雙研詩六首

并序

康熙壬辰三月十五日先臣以 南書

房翰林分校禮闈揭曉謝 恩西苑

賜御銘松花石研恭紀七言一章且以

賜研名堂用誌弗諼越雍正辛亥歸

田元瑞始生四歲出嗣乙卯先臣見背

授此研爲遺念謫陋無似服官四十年

內直三十年遭際慈渥逾格逾望

越嘉慶丙辰正月四日預千叟宴蒙

召至展前手卮命酌錫類多珍內松

花石研一鐫銘如前黃紙籤記曾陳

靜明園之影湖樓者被君恩之稠疊

思父志之留貽捧硯而泣此中真有不

可思議因緣謹同篋竝弄作詩六章用

告後之人引申感慕守茲勿替

長白靈源發大東江流粟末澗瀝同

松花江魏書之粟末水

由來王氣飛星化雅合

文筵畫日工色奪鳴頭洮水活品爭龍尾歛溪雄

題名壽古聲清寶墨海春波鬯

帝鴻

趯臺雲氣地清嚴侍史趨朝徹棘簾張茂先豪麟

角管王師心紙象牙黏爲

嘉歐九持衡佐

宣賜陶泓滴露霑八十五年成舊事詞林典故未
經拈

歸田解組六旬強日暖茅檐竹簟涼乍慰鄉心仍
鞠子爲榮

君賜特顏堂穉猶待哺雛分棚老喜將雛雁接行
五歲已懷孤露痛付遺此石囑毋忘

貌孤敢望繼家聲識字耕田句揭楹同母兩人登
翰苑承

恩再世到

西清烏私竟遂

鸞封晉駕策難前
馬齒更六十曰耆
踰六歲也隨
千叟宴瑤京

共荷承筐十賚周
佛珠宮綺杖扶鳩
松花琢玉碧
翡翠文石裝池黃
栗留猶認

堯年脩內製曾陳

舜殿影湖樓捧歸
膜拜持將較未啟
雕函已涕流
素業成家閱

四朝心殷手澤自
垂髫父書已老何
曾讀

主德云酌總覺遙
什襲宜聯雙珙珎
流傳珍重百
瓊瑤石田付與菑
畲者迴問兒孫孰
范喬

恩餘堂輯稿

卷四

吳

習松林先生恭與千叟宴繪拜賜圖奉題

羅鳩憲老鉅儀昭一介章逢上

紫霄寫入畫圖誇

渥賜傳將詩禮及同僚
薦蘿姻附山依岳桑梓人
欽斗建杓杖履春風猶
昨日後來有硯可遺喬

辛酉主禮部試和貢院壁間韻五首

會昌竹馬歲華深七十
持衡棘院臨四典鄉闈再
京兆六成進士五詞林
家聲珍重經籬在老眼摩
挲燭影沉迴憶丁年辛苦
得矢將清白永肩心
特科連歲感猶深

教思無窮象在臨

恩越尋常春似海額增三九士如林幾人仕路登
黃散此日文壇掉綠沉迷目戰場休浪說文章得
失要知心

就將

聖學極高深天海無疆與鏡臨共說

君仁似堯舜還期家足到壬林文光奎壁騰初上
妖氣機槍黯欲沈最是終篇三致意刑民猶篤愛
民心

射策全資績學深問誰夾漈馬端臨上章臣節推

王魏注左師傳混杜林律令深文新

誠諭循良故事久銷沉

味餘頒帙

堯文仰多士先酌快觀心

卅四年來舊雨深層霄

詔下許同臨聯茵本是司邦士橐筆方偕長翰林
虎榜早齊難弟譜鵠原應惜故交沈賞奇何幸疑
還析三益追思總一心

賜珠恭紀

訓詞敦儉示朝堂不寶輝川照乘光一任淵藏儕

水草得邀波及比山桑方流圓折尋其本貪去廉
還質在旁同日拜

恩胎洗類

是日男翼蒙選主事

傳家慎守莫遺忘

嘉慶癸亥閏月十九日翰林院公餞太傅
韓城相國卽席得句用留別韻

文章事業各鈎深進退方知得失林臨欲去時猶
具草未當老際已抽簪子牟身總江湖在小雅心
無金玉音漫比東門觀太息驪歌不用僕夫吟

玉堂天上坐忘機文字觴行靜晝暉二十八科士
藹藹七旬九歲客依依故人惜別輪生角弟子隨

車鞅解駢宰相狀元門內事不教正直古風微

予注五代史記欲補十志煩王伯申伙我

詩以奉商

龍門例狃八書傳漁仲會誇廿略難五季文章嗟

掃地兩家

薛史會要

譔述舊登壇僅存典制彌堪寶復

見威儀更可觀擬學劉書能補范憑君助我夜鐙

寒

四紀繙鈔力頗深貴求得失古人心方知史事鯨

呿廣不似詩家獺祭尋君聳雙肩工索解我吟一

足尚知音試披兩代家人傳萬丈金隄蟻穴沉

薛史

失載周世宗后符氏歐
史失載晉出帝后張氏

冬庖八詠

野雞

饋歲鄉風走小奚
家家公膳日雙雞
罹學終被媒相誤
舞鏡何曾物可齊
一箭仰看稱賀吏
三年博笑不言妻
誰知五色成文好
開闔光中扇影低

鐵雀

半翅初成小一拳
揣稱侔色鐵同堅
屠墮秋鳥因時至
東海椒雞以地傳
額爛頭焦座上客
形銷骨化羽中仙
始知五首岐亭句
爲養仁心不是禪

鹿尾

哨向霜林逐隊逢最珍冬尾配春茸身其餘幾精
神聚生也無涯牝牡從牛後出搜方藥貴駝峯腫
背食單供可憐不作清談麀王謝家兒逞貴容

羊饅

煮石成泥合月麀初平牧罷付庖治揚湯止沸堅
凝涪持斧敲冰冷沁脾蘇武何爲空齧雪劉郎不
敢漫題詩無分關內侯都尉疇昔之羊則有皮

鱖魚

龐然大也可呼牛宴啟頭叉捺鉢秋出海鯨鱣還

當餌溯江鯪鱖好同游難分口腹胸無鯁但長脂
膏骨亦柔記得故鄉潯九派打棚椎豕賽開鉤

冰鮮

江魚入饌市風腥析木津頭凍裂脣腹藏全無三
寸雪頭銜又結一條冰空游鱗鬣疑何著風定波
濤若有憑忽漑金鰲頤可朶琉璃光裏現饒燈

凍豆腐

淮南畢萬術如何鍊雪斟漿鏡而磨形質初成旋
蟻磨性情漸老露蠶窠氣含蔬笋憑刀翦毫入薑
鹽得味多始信陰陽真互體添薪益火也同科

鹹白菜

酸根粗糲腐儒同三月無鹽莫奏功色漸褪黃刺
象齒光能透白解犀通踏隨羊壤三更夢與共鱸
生一夜風盲蓄禦冬猶可飽七辛盤裏又春工

留寄胡印渚

長齡

劉金門

鳳誥

阮芸臺

元

少時注意歐陽史七十三年未得成門戶雖然成
搆架庭階尚乏細經營飄零莫遣同殘葉俛助終
當賴友生幸有三公舊同志爲予輯業定刊行

遺詩

主德難酬身入地親喪未葬罪通天了無事業堪

垂世儘有文章得遇緣恩怨已隨前事往否臧一
任後人傳諄囑兒孫書要讀秀才便是克家賢

紉秋勸予鈔存詩稿心感其言率賦二絕
千首詩篇百一存良朋珍重與重論也知虛牝黃
金擲留看鴻泥舊爪痕

候蟲時鳥自清音秋月春花亦素心聊向閒中編
歲月不須敝帚享千金

尊德會詩爲蔡秋澄先生作

楓涇百頃接飛濤涇上人家結屋牢眼看門前垂
釣石年年新綠長三篙

四月江南春未歸雜花滿樹鶯亂飛太平時節好
風日夾巷相招各啟扉

尊德堂前樹石多茶香酒熟客來過勸儂一盞劉
白墮酬汝三巡金叵羅

鮭菜蓴羹錯雜陳筵前誰主復誰賓青山壓戶頽
然坐有箇高峰似丈人

晨梳短髮白如銀總丱相看老健身未坐捧觴羣
子弟就中也有抱孫人

三爵賓筵秩秩儀酒中撰杖下階時報翁昨夜迎
梅雨紅藥欄邊長紫芝

北通三泖一帶水南去明湖兩日程老來只有閒
游好會罷相將撥棹行

烟火千家住滿涇家家掃屋列圍屏明朝好事爭
圖寫不用屏風畫壽星

補咏陶然亭同鄉館職讌集詩

埵山勺水半乾頽底事閒尋數數來人海中間難
得此非關風月與池臺

布席前楹坐次連行厨排當去小亭邊詞臣下直

多休假底事重陽展向前

時九月
入日

兩世柯亭荷

寵榮十年冰署濫聲名于今猶覺吹竽澀仰愧前賢畏後生

刹那五度聽句臚鴻爪泥中不可摹西望商南

劉任

亭南白下

蔣心餘

鴈行一半落江湖

西山暮色落空巵不掃苔茵意所之記得枌榆春社散白頭扶杖少年隨

火急催詩似索逋也知宿諾未應渝憑誰渲染春風筆補寫西園雅集圖

初秋祠部徵租豐臺遣惠花果戲謝

冰作清涼雪作甜鸞刀削處坐疎簾

西

簞車暫踏

城南路便解人間六月炎

葉似水仙羅暈碧花如簷蔔玉交枝

晚香玉

妬他夜

半含雞舌酒醒微聞薌澤時

幾稜芳畦一帶村輸錢花戶近黃昏笑君自作催
租者詩興何愁敗叩門

爲恂叔太守題榕巢圖卽送之寧遠

容鳥容人兩不妨誰將草木狀南方若爲寫入圖
經好嘉樹從茲譽弗忘

偃餘爲階葉覆檐吟詩聲出綠陰邊巢中長物夫
何有獨抱朝天古硯甌

恩餘堂輯稿

卷四

桑

百年霜露待君來
分別寧論材不材
共道使君無棄物
蜀江又去覓橙栽

總宜室

南榮向暖北窗涼
宜夏宜冬兩不妨
倚著槐根長繫定
恰如釣罷水雲鄉
三里雲溪弄碧漪
蓬窗閒過十年期
荒齋幾笏瓜皮樣
也學船居號總宜

夢醒聞春聲戲柬雪門

帳寒燈黯不成眠
已有荒雞啞復連
忽似吉州江上泊
遙灘水碓短篷前

新棉擊處絙絃急老米春時落杵鳴一笑與君衣
食計但從鄰壁許聞聲

戲題花陰獅子獼小幅

拳毛也復綴蒙茸搏象安能搏兔同任汝生鵝閒
不吹苔茵卧向百花叢

津門柳枝詞

并序

大姪良騫作令天津以暴疾終於旅舍
貧且無子其老母哭子以歿迄今三載
矣經過賦此不自知其是詩是淚也

津門楊柳二月時浪絮空花滿地吹枉看成陰不

結子秋風吹折是孤枝

津門楊柳好藏烏不見當年尾畢逋
風急斜陽西沒處白頭回首叫孤雛

津門楊柳亂鴉飛人道濃陰得地肥
樹倒可憐鴉散盡何曾寸土帶根歸

津門楊柳縮離愁直到江南不斷頭
今日重過忍攀折壞隄流水已三秋

齋中白瑞香盛開兒輩呼爲藥香意別有

感口占四首

童童小樹翳低枝雪作精神玉作肌
說與凡花都

著藥獨儂香在未開時

香處春頭澹沲天南枝雖早可爭妍也貪結子隨
桃李翻笑梅花墮俗緣

一樹風流泥太狂洗除黃紫見真常從今肇錫嘉
名別指向根株亦瑞香

堅筠介石伴徜徉雅稱儒門素淡塲願汝長依老
夫側他年高節飽冰霜

癸巳彭城使院廣賀方回彭城三詠得詩

十五首時漏下三鼓微雪正寒復成二絕
詠史全偷古樂府採風半入竹枝詞慶湖遺老如

堪問比似當年幾合離

吟成擲筆氣飛揚雪打寒櫺燭炮光見獵自慚心
輒喜東塗西抹少年場

常熟諸生孫齊鑒以見錄張繼楓楓橋夜
泊詩意試作繪圖呈別題句歸之

崑山一片采瓊瑤共說清才奪錦標好句重教提
唱起詩人端合近楓橋

兩孫活水得天機點筆於今欲繼之六幅研光緇
百徧有聲畫合無聲詩

送我情深劇不忘滿船書畫壓輕裝欲知去夢長

牽處古寺鐘聲下曲廊

相逢努力向他年老眼何當
詫得賢捲畫題詩留別在
且從文字結清緣

謝蘊山

啟昆

太守松菊圖

十年劉井憶肩隨京峴重逢五馬移
解道澄江如練句青山小謝本仙姿

松菊圖中未就荒不因歸去樂相羊
落英滿地脂凝液持奉高堂上壽觴

熊軾朱轡路有輝隔江輿頌望依依

時將從鎮江守移揚州

勸君更召丹青手寫出揚州金帶圍

宋槧劉叔剛宅禮記

曲臺議後已焚如輾轉開雕蝨蝕餘毛葛兩家南
北監公私都是不全書

真本初驚見未曾麝煤璽紙古光騰千秋孔鄭開
生面禮始能言宋足徵

異字六千經註疏閱年七百宋元明幾多聚訟經
師說乍釋春冰白月生

商銅漢玉空豪舉晉素唐縑亦細娛一卷書非耳
目玩聖人精意太平模

第一書真世莫羣鄴侯三萬枉紛紜重槧安得公

同好海內諸生見祕文

生涯故紙勘殘訛日本高麗亦廣羅豈識珠原衣
底在眼猶未老再摩挲

汪太史

上林

花韻山房詩餘

曉風殘月殢柔情鐵綽銅琶太慙生千古詞場苦
分別正音端合帶琴聲

十篇綺語鬪朝霞故故東風淺淺沙莫怨東坡老
居士詞人飄泊總楊花

拍字偷聲莫漫論詩情賦手與騷魂若標山抹微

雲例一片昏鴉水外村

集中佳句

占斷風流致自佳
玉堂天上更休嗟
我知減字張三影
不羨尋常溫八叉

春日報喜圖

竹介松堅本性超
柴門四序總熙韶
人當漸老添春色
惟報平安祝後凋

疎籬宛轉戲羣嬰
爲報春雷第一聲
信道大觀惟稚子
屠蘇先汝望崢嶸

觀汪容川別墅圖

乍辭金馬去湖灣
便作經營學買山
自是胷中有邱壑
興之所寄不能閒

結構無多生面開吟詩似向輞川來
寒山遠火疎鐘際可有天機裴秀才

青山拋卻又經秋惟有披圖作卧遊
一俟他年謝猿鶴珠還珠去劇風流

甲辰中伏法時帆

式善

館丈出所寶董文

恪師遺墨見示成三絕句

濃著礬頭淡著烟中含神韻得天然
反裘擅袖酣盤薄記侍揮毫三十年

富春山頭雲萬層富春江水呀光綾
圖中風景依稀似此是頻年下馬陵

殘膏賸馥苦相爭老輩風流嬪後生空與藝林傳
故事更留

朵殿作題名

周牖如廣陵勝跡傳奇八種題詞

竹西歌吹古繁華拍板敲殘日未斜一自周郎三

爵後不教琴瑟混箏琶

駕得虹橋步九天華胥國裏夢遊仙如何艷說霓

裳曲親到清虛王府邊燈遊 唐開元皇帝事

舊院重來跡宛然碧紗籠處墨華鮮鐘鳴列鼎人

間樂莫負初心十二年詩籠 王播飯鐘事

老守園開婪尾宴一時賓客盡公卿簪花記得螭

坳畔五色雲中獨奏名

花瑞韓魏公金帶圍事

一帶平山俯蜀岡酒籌聊借芰荷香不嫌後事憑

牽合爲洗當筵粉黛腸

堂宴歐陽文忠事借用南宋妓毛惜之

橐中夢裏是耶非鼠子由來借虎威要識東坡老

居士當頭一喝是天機

虎夢合東坡夢虎點鼠賦兩事

孝筍冰魚事已奇蟠桃又見結秋枝村莊婦女當

塲淚不羨雙鬟下拜時

桃醫孝婦吳韋氏事

富貴神仙兩渺茫貪癡千古夢黃梁何人爲鑄江

心鏡照徧人間熱客腸

神鏡太平廣記腰纏十萬貫跨鶴上揚州事

曼陀花雨寶珠塵大地山河轉法輪頂禮人天迎

佛母播將淮海十分春

佛輪 天寧寺佛
馱跋陀羅尊者事

千秋韻事千秋筆湖海飄零絕妙詞紅燭烏闌閒

按譜一朝壓倒郢中兒

聽彈詞八絕

鏡中幻影水中萍酒色刀兵亦幻形偏有胡椒八

百斛一生大夢總難醒

羅夢

沙頭醉倒瓦盆空遺禍何堪及釣翁何不寫他承

相勢一生花裏活秦宮

漁樂

臨川才子生花筆換羽移宮喚奈何棖觸故鄉千

里夢梅花國裏聽田歌

勸農

雉朝飛怨入瑤琴去婦孤兒恨亦深唱到蘆林離
合處一時回首淚沾襟

蘆林

奇計平成笑漢家玉顏悲仗靜胡沙文臣武將成
何事但解春風送落花

和番

楚江情曲怨無聊一紙書開鎮寂寥堪笑半生名
節誤空函咄咄達洪喬

折書

吞針也說學三乘離恨天中最上層似讀首楞嚴

一卷阿難呪遇摩登

下山

坐視橫磨竟北遷雀兒食穀亦徒然苦從骨月分

恩怨父子君王祇四年

出獵

暇排案頭私印成冊題詩其後

摹印空傳八體工幾人筆有古人風試從書就文
成後開牘摩挲認石公

舊刻留貽手澤存

內數石爲先人舊物其什九皆曹迪諧所鐫

新章遇

意得微言豈惟牘尾供鈐識篋衍還期示後昆
文彩曹郎妙手刊筆牀硯滴伴清寒可憐強立亭
軒號想像都從紙上看

書羣芳十二詩畫扇

硯燥毫乾白汗流戲銷婪暑寫蠅頭羣芳十二春

齊到不逐梧桐一葉秋

劉元叔先生自紀

富有文章經濟才百無一試墮塵埃覽公自紀傷
心處夜讀晨挑馬草回

詩書轉付跡孤羈衰薄門庭共護持一誌伯父并
老公作

一詩留舊事平生四海子瞻師

冰銜遊子耄高堂日奉葠耆手勸嘗誰道兩家真
骨肉我家子姓慎毋忘

親情舅弟語惺然遺墨長留越百年惟祝後來當
解讀書香葉葉與長綿

陳雨香畫竹

三竿兩竿庾信賦十日五日杜陵詩藝學由來通
一貫毛錐鐵筆兩爭奇

哭四兒翬升

難將福慧較前因焚與詩書亦等身若使世緣終
不斷再來應作鈍根人

館課試哈密瓜賦劉金門館丈作極佳索
書便而爲題二絕

嶺州甜雪沁心寒破臘馳來驛百盤素筵寫將雙
綠玉招涼六月好攜看

句中香透字中寒三館高才擢露盤西抹東塗卅
年事老夫當讓一頭看

再題

璽紙重書語不寒曉珠宜對水晶盤賦情畫格都
三昧合向瑤華靜室看

冰作清涼玉作寒浮瓜片片擘雕盤三庚已過猶
焚熱夜半油雲矯首看

新詞清對北風寒文境奇於鳥道盤怪底再三圖
便面知音原耐百回看

送二兒翔履歸鄉試

新雨炎風送汝行霜濃先爲計來程到家老輩如
相問黑髮曾無四五莖

青袍逐隊趁槐黃免被人呼曳白郎汝乏文章我
乏德不須苦盼桂枝香

宦遊多說憶田園笑我何嘗三徑存道是歸家還
僦屋先從冷淡處開門

門生亦有花封長父執方持使節華汝是諸生兼
部下少將踪跡到官衙

山山代我省松楸若有新阡卜一邱說與形家休
聽瑩此心不爲子孫謀

暇閱南湖集愛其詠花果小詞鈔之箴頭

戲成一絕

鍔馬金戈錢眼坐諸生解摘琵琶槽雜書對畫聊
成趣鼻觀香生動老饕

壬子閏夏八日觀牛次原

坤

畫扇有會時

正望雨

小滿初過入望黃田家餅餌切聞香何當一雨朝
來足洗出平疇麥穗長

菱花如鏡冒清池闌柄遊魚聖得知斗憶喻家塘
畔路曉風香度綠參差

甲寅仲春下澣二日窓前碧桃盛開於便面書皮日休桃華賦戲題

文章最忌是重儻襲美空稱不易才可匹元興牡丹賦那能學步廣寒來

庶子春華自古羞篇終見意論非優因之三復杜陵句輕薄桃花逐水流

哭六兒翊泰

生時憶我走灤陽歡喜歸來夢一場問相虛言多壽骨出家枉教禮空王

傍人那解暗心酸倚箸吞鈎欲下難最苦雛鴉能

返哺聲聲呼飯勸加餐

指說瀾翻教便知之無七月未爲奇劇憐隨認通
文義客到先尋字合兒

造物何爲太不仁空花示現閱三春唇乾舌爛喃
喃語惟有呼耶兩字真

淚本無多眼更昏五年三度哭兒頻勸君莫更聰
明望兒若聰明害老人

題畫送裏雅堂

以壩

疏水簾瓢學孔顏浮雲富貴詎相關要于兩者胥
無累真樂方知不等閒

考亭尋處寄梅花天地之心見亦夸何似且尋讀
書樂美人高士等浮華

短檠相看多少年迴思四十五年前重來塵土多
生面比似圖中定不然

我守冰銜君選人咿唔聲裏一燈鄰于今總角傳
書者也去當官學致身

一水縣門巴字流詩人多住合江樓書生去作邊
屯長夔雨蠻烟又幾秋

白雲亭下小勾留手把旌麾萬里遊好語饒民循
德化不須再問四窮州

一別三番會面頻垂楊抽綫綰征輪白頭作宦朱
顏改海內齊年祇四人

翳然衡宇數牛鳴小艇春波拍岸迎莫學歐陽但
思頰共君歸去話柴荆

袁瀑泉重排千字文跋馮星實侍御補註

蘇文忠集

翻水初成誦若流也須氣盛則言浮當年欲笑周
興嗣一夜雕鏤枉白頭

邵正王譌查正邵文人抨擊各精能又逢好辨西
河老序者山陰王百朋

出高吏事入高文朝右於今獨軼羣好作蘇門六
君子吾鄉雙井張吾軍

法時帆太夫人鴈字詩

女士談經世所稀偶憑賦物托淵微雲霄一羽宜
高格孔雀東南烏鵲飛

排連卅首一行行斷續雲箋籟抑揚忽聽失羣孤
鴈器寥天拍水月如霜

荻枯鐙炮表阡時教子今爲天下師口授不忘圖
摘句零縑碎錦幾絢絲

容臺雅愛採風官

謂治亭宗伯

况是登堂舅弟歡好向

管彤標首善八旗詩作二南看

陳葯洲

淮

中丞照

卅年曾共踏槐街離合鴻泥宦海排行看展來成一
笑鬚眉非舊舊情懷

鄉書報我致纏綿爲築川圩減俸錢今歲江鄉聞
盛雨想因保障得豐年

解衣裹飯劇殷勤得意褒忠卽報聞風教誰持憑

大吏九原銜感故將軍

謂傅宏毅公

纔償宿約匪遲遲要及三年報政期身是部民心
舊友采將輿頌當題詩

思餘堂輯稿

卷四

九

方葆岩 維甸 照

手持玉尺記親掄送我朝陽白下門

借韻

千卷中惟

杜預癖見君真是畫中人

天桃穠李富陽春翠柏蒼松自有真十載歸來輒
紅道見君不是畫中人

天與才華學與醇豈惟聲望冠朝紳子無常母高
堂上第一才門內行轅

萬里從戎渡海輪雙撐鹿耳七鯤身老謀壯決從
茲始歸日文章倍有神

金奔巴裏定三身西極誰隄熱索濱露布草成非

下馬舊時不借繭雙跟

異數朝廷善用人脂膏不潤菜根陳大鵬暫作六月息皓鶴終無一點塵

歸來銜使寄宣旬風雨中州播好春不是望君官爵大急需高手活疲民

少年短後扈灤巡道左曾瞻代偉人事業功名須努力孤兒成就繼名臣

憂患中生子立身舊交向我獨情親半山學行吾何敢爲我伸眉觸要人

廿載巾箱麝粉湮待君圖畫上麒麟有言覲縷皆

徵實十首詩成總一真

黃左田 鉞 贈研圖

石田老矣久荒蕪
筆禿難耕墨瀋枯
脫手贈君應得意
憑將西抹與東塗

到門幾稜似圖中
舉手平疇送遠風
識字田夫猶省得
扶犁叱犢向南東

消寒詩後二絕

如聞鄰篴向山陽
春夢無痕句有香
三十七年方把卷
衰翁敢說魯靈光

鄉人韻事記依稀
冷落年來此會稀
珍重尚書

謂戴

士遵好提唱匡山蠡水本清暉

附

李穀齋

世倬

書畫冊

瀑布挂千丈對面鐵亭子卧遊廬山高此景毋乃是

老樹蟠癡龍枯籐走寒狖豈惟入草木其人亦堅瘦

粗服亂頭蘇玉局弩張劍拔米南宮世上苦無丹九轉詩家書家流弊同

三十年前入雒時清卿大筆正淋漓如今過眼一

恩餘堂輯稿

卷四

圭

兩幅古意蒼茫便詠詩

題畫筆

山石無泥竹風有韻此中度夏爲宜安得少人來
問

跋

先大父文勤公少作有潛源詩鈔通籍後
佚其稿逮直

內廷恭逢

高宗純皇帝稽古右文西清給札者歲無
虛日故詩古文除奏御外不多作作亦不

復存洎

邦疇

偕

伯兄峻

麤知文義時始掇

拾於廢簏中更從四方友人處鈔集久之
乃得薈萃成編經先公手定名曰輯稿
并以著錄無多命藏家塾毋付剗剗故惟

恩餘堂輯稿

跋

以經進稿刊行 先公既歿之八年歲庚

午

邦疇

典粵西試歸途以墜馬傷足其明

年復

命於西苑仰蒙

仁宗睿皇帝垂詢先臣辭意周至既又

諭曰國朝文臣如錢香樹朱石君其文集

皆入內府汝祖何獨無

邦疇

敬念

上於諸老輩不名恩禮抑何其篤當以先

臣有經進稿一編本欲奏請

欽定前以

純廟春秋高不敢勞

聖鑒後因專司

實錄無暇爲私集計對

上乃諭鈔錄進呈是年秋得以恭呈

乙覽而茲集亦未之附也嗟乎

邦疇

材志

下不能闡揚先業考古大臣專以制集行
世者惟唐李衛公會昌一品集然尙有別
集十卷外集四卷相輔而行顧衛公雖以
功名顯而晚年復以讒構廢迄今讀其外
集皆遷謫以後之文論古者傷之何如

先公遭際

聖明終始如一卽茲編所述半皆歌詠

昇平之作又如紀

恩諸詩更爲人臣所罕觀若聽其湮沒如
衛公姑臧集獻替錄等書雖見於直齋書
錄而今已佚不傳不特後之人無由窺

先公全璧並

兩朝恩遇之隆皆不可得而見

邦彥

之臯

戾滋深矣先公門下士今官中外者尙

數百人讀是編咸欲借鈔一帙

邦彥

恐其

久而復佚也爰謀諸梓人非敢重違先
命蓋將以傳示後嗣云爾道光丁亥夏日
孫男邦騰謹誌